

吾儒所以治心之道也今之為學者迷其所向可謂痛心 上曰學校節目非不盡矣今又加設則無乃煩耶宜擇師儒而久任則可收其效得江曰近於公事每經 御筆昔者 御書則雖一字以為子孫之寶

臣等在公廳或踞坐而披閱實所未安於心大司憲尹殷輔以為中朝則有墨敕之制云其制則臣不可知使承旨判付何如 上曰此非予之所創也乃 祖宗朝舊事若令每事判付往復則事必積滯是故如照律功減棄等事則不得已手書矣○臺諫合司四啓李長坤事不見○日重暈其色內微紅外微青夜東北方有氣如火○壬子百官以權停例陳訖日賀禮○癸丑大雪○臺諫合司五啓李長坤事不見○憲府啓曰京倉官糴事前日以為可以備納者督納但今方農時舊穀既沒頓無可納者請一切勿捧以待秋成傳曰依所啓○命領府事鄭光弼等講專經文臣田承漑鄭世紹金守濬金翰金就精等于東賓廳只世紹粗通春秋餘皆不通傳曰今此考講人皆有職事不如儒生之專業而不通居多此由於久廢殿講也甚為埋沒○禮曹判書洪淑以書肆設置已卯年節目啓之傳曰此事日月已久予亦忘之因魚得江之啓而乃悟也印冊和賣雖有國法然不得廣布於民間今後別定以任貧如醫